



門 七 九
卷 498
卷 5

脈經卷之五

張仲景論脈第一 九二條

松井家藏

問曰。脈有三部。陰陽相乘。榮衛氣血。在人體躬。
千金作而。呼吸出入。上下於中。因息遊布。津液
流通。隨時動作。倣象形容。春弦秋浮。冬沈夏洪。
察色觀脈。大小不同。一時之間。變無經常。尺寸
參差。或短或長。上下乖錯。或存或亡。病輒改易。
進退低昂。心迷意惑。動失紀綱。願為縷陳。令得
分明。

脈經

卷之五

師曰。子之所問道之根源。脉有三部。尺寸及關。榮衛流行。不失衡銓。腎沈心洪。肺浮肝弦。此自經常。不失銖分。出入升降。漏刻周旋。水下二刻。脉一周身。旋復寸口。虛實見焉。變化相乘。陰陽相干。風則浮虛。寒則緊弦。沈潜水溜。支飲急弦。動弦為痛。數洪熱煩。設有不應。知變所緣。三部不同。病各異端。太過可怪。不及亦然。邪不空見。中必有干。審察表裏。三焦別分。知邪所舍。消息診看。料度腑臟。獨見若神。為子條記。傳與賢人。

扁鵲陰陽脉法第二 九十一條

脉平且曰太陽。日中曰陽明。晡時曰少陽。黃昏曰少陰。夜半曰太陰。雞鳴曰厥陰。是三陰三陽時也。少陽之脉。乍小乍大。乍長乍短。動搖六分。至十一月。甲子夜半。正月二月甲子。至三月。太陽之脉。洪大以長。其來浮於筋上。動搖九分。三月四月甲子。至五月。陽明之脉。浮大以短。動搖三分。大前小後。狀如

少陰之脈。其至跳。五月六月甲子王。

少陰之脈。緊細。動搖六分。王五月甲子日中七

月八月甲子王。

太陰之脈。緊細以長。乘於筋上。動於九分。九月

十月甲子王。

厥陰之脈。沈短以緊。動搖三分。十一月十二月

甲子王。

厥陰之脈。急弦動搖至六分以上。病遲脈寒少
腹痛引腰形喘者死。脈緩者可治。刺足厥陰入

五分。遲脈二字疑從少陽之脈。乍短乍長。乍小乍大。動

搖至六分以上。病頭痛脇下滿嘔。可治。擾即死。

一作偃可治偃即死刺兩季肋端。足少陽也。入七分。

陽明之脈。洪大以浮。其來滑而跳。大前細後。狀

如蝌蚪。動搖至三分以上。病眩頭痛。腹滿痛嘔。

可治。擾即死。刺臍上四寸。臍下三寸。各六分。

從二月至八月。陽脈在表。從八月至正月。陽脈

在裏。附陽脈強。附陰脈弱。至即驚實。則癩癧細

而沈。不癩癧即泄。泄即煩。煩即渴。渴即腹滿。滿

即擾擾即腸澼澼即脉代乍至乍不至大而沈
即欬欬即上氣上氣甚則肩息肩息甚則口舌
血出血出甚即鼻血出。

變出寸口陰陽表裏以互相乘如風有道陰脉
粟陽也寸口中前後溢者行風寸口中外實內
不滿者三風四温寸口者勞風勞風者大病亦
發駛行汗出亦發奕風者上下微微扶骨是其
診也表緩腹內急者奕風也猥雷實夾者飄風
從陰趨陽者風邪一來調一來速鬼邪也陰緩

陽急者表有風入藏藏也陰急者風已抱陽入
腹上逮逮下宛宛不能至陽流飲也上下血微
陰强者為漏癖陽强者酒癖也偃偷不過微反
陽澹漿也陰扶骨絕者從寸口前頓趨於陰汗
水也來調四布者欲病水也陰脉不偷陽脉傷
復少津寸口中後大前宛至陽而實者癖食小
過陽一分者七日癖二分者十日癖三分者十
五日癖四分者二十日癖四分中伏不過者半
歲癖敦敦不至胃陰一分飲舖餌癖也外勾者

久癖也。內卷者。十日以還外強內弱者。暴大核也。并浮而弦者。汁核。并浮緊而數如沈。病暑食粥。一作有內緊而伏。麥飯若餅。寸口脉倚陽緊細以微。瓜菜皮也。若倚如緊。薺藏菜也。願願無數。生肉癖也。附陽者多。肉癖也。小倚生浮大如故。生麥豆也。

扁鵲脉法第三 九三條

扁鵲曰。人一息脉二至。謂平脉。體形無苦。人一息脉三至。謂平脉。一息四至。謂脾者。脫脉氣。其

眼睛青者。死人。一息脉五至以上。死不可治也。

都一作聲息病脉來動。取極五至。病有六七至也。

疑有闕文

扁鵲曰。平和之氣。不緩不急。不滑不澹。不存不

亡。不短不長。不俛不仰。不縱不橫。此謂平脉。腎

一作受如此。一作身無苦也。疑衍。

扁鵲曰。脉氣弦急。病在肝。少食多厭。裏急多言。

頭眩目痛。腹滿筋攣。癩疾上氣。少腹積堅。時時

唾血。咽喉中乾。相疾之法。視色聽聲。觀病之所

在候脈要訣豈不微乎。脈浮如數無熱者。風也。若浮如數而有熱者。氣也。脈洪大者。又兩乳房胡脈復數。加有寒熱。此傷寒病也。若羸長病。如脈浮溢寸口復有微熱。此疰氣病也。如復效又多熱。乍劇乍差。難治也。又療無劇者。易差。不效者。易治也。疑有闕文

扁鵲華陀察聲色要訣第四

九七十五條

病人五藏已奪神明。不守聲嘶者死。
病人循衣縫。譫言者不可治。

病人陰陽俱絕。掣衣撮空。妄言者死。
病人妄言錯亂。及不能語者。不治。熱病者可治。
病人陰陽俱絕。失音不能言者。三日半死。
病人兩目皆有黃色起者。其病方愈。
病人面黃目青者。不死。青如草滋死。
病人面黃目赤者。不死。赤如衄血死。
病人面黃目白者。不死。白如枯骨死。
病人面黃目黑者。不死。黑如殆死。
病人面目俱等者。不死。

病人面黑目青者不死。

病人面青目白者死。

病人面黑目白者不死。

病人面赤目青者六日死。

病人面黃目青者九日必死。是謂亂經飲酒當

風邪入胃經膽氣妄泄目則為青雖有天救不

可復生。

病人面赤目白者十日死。憂悲思慮心氣內索

面色反好急求棺槨。

病人面白目黑者死。此謂榮華已去。血脉空存。

病人面黑目白者八日死。腎氣內傷。病因留積。

病人面青目黃者五日死。

病人着床心痛短氣脾竭內傷。白日復愈能起。

徬徨因坐於地。其立倚床能治此者。可謂神良。

病人面無精光若土色不受飲食者四日死。

病人目無精光及牙齒黑色者不治。

病人耳目鼻口有黑色起入於口者必死。

病人耳目及顴頰赤者死在五日中。

病人黑色出於額上髮際下直鼻脊兩顴上者亦死在五月中

病人黑氣出天中下至年上顴上者死千金翼云天中當鼻直上至髮際年上在鼻上兩目間

病人及徒人黑色若白色起入目及鼻口死在三月中

病人及徒人面忽如馬肝色望之如青近之如黑者死

病人面黑目直視惡風者死

病人面黑唇青者死

病人面青唇黑者死

病人面黑兩脇下滿不能自轉反者死

病人目直視肩息者一日死

病人頭目久痛卒視無所見者死

病人陰結陽絕目精脫恍惚者死

病人陰陽絕竭目眶陷者死

病人目系傾者七日死

病人口如魚口不能復閉而氣出多不反者死

病人口張者三日死。

病人唇青人中反三日死。

病人唇皮人中滿者死。

病人唇口忽乾者不治。

病人爪甲青者死。

病人爪甲白者不治。

病人手足爪甲下肉黑者八日死。

病人榮衛竭絕面浮腫者死。

病人卒腫其面蒼黑者死。

病人手掌腫無文者死。

病人臍腫反出者死。

病人陰囊莖俱腫者死。

病人脉絕口張足腫五日死。

病人唇腫齒焦者死。

病人陰陽俱竭其齒如熟小豆其脉駛者死。千金

方駛作躁

病人齒忽變黑者十三日死。

病人舌卷卵縮者必死。

病人汗出不流。舌卷黑者死。

病人髮直者。十五日死。

病人髮如乾麻。善怒者死。

病人髮與眉衝起者死。

病人足跌腫。兩膝大如斗者。十日死。

病人卧遺尿不覺者死。

病人尸臭者不可治。

肝病皮黑。肺之日庚辛死。

心病目黑。腎之日壬癸死。

病人足跌腫。嘔吐頭重者死。

脾病唇青。肝之日甲乙死。

肺病頰赤。日腫。心之日丙丁死。

腎病面腫唇黃。脾之日戊己死。

青欲如蒼壁之澤。不欲如藍赤。欲如綿裹朱。不

欲如赭白。欲如鷲羽。不欲如鹽黑。欲如重漆。不

欲如炭黃。欲如羅裹雄黃。不欲如黃土。

目色赤者。病在心。白在肺。黑在腎。黃在脾。青在

肝。黃色不可名者。病胸中。

診目病赤脉從上下者太陽病也從下上者陽明病也從外入內者少陽病也

診寒熱瘰癧目中有赤脉從上下至瞳子見一脈一歲死見一脈半一歲半死見二脈二歲死見三脈半二歲半死見三脈三歲死

診齩齒痛按其陽明之脉來有過者獨熱在右右熱在左左熱在上上熱在下下熱

診血者脉多赤多熱多青多痛多黑為久痺多赤多黑多青皆見者寒熱身痛面色微黃齒垢

黃爪甲上黃黃疸也安卧少黃赤脉小而濇者亦嗜食

扁鵲診諸反逆死脉要訣第五 九六十四條

扁鵲曰夫相死脉之氣如羣鳥之聚一馬之馭

系水交馳之狀如懸石之落出筋之上藏筋之下堅關之裏不在榮衛何候交射不可知也

脉病人不病脉來如屋漏雀啄者死 屋漏者其來既絕而

止時時復起而不相連屬也雀啄者脉來甚數而疾絕止復頓來也又經言待病

相
三
三
三

七八日脉如屋漏雀啄者死。脉彈人手也。脉來如
 彈石去如解索者死。彈石者辟辟急也。解索者
 也。脉因病人脉如鰕之游如魚之翔者死。
而而起。尋復退脉不知所在。久乃復起。起而遲。遲而沒去速者是也。魚翔者似魚不行而但揮尾。動頭身搖而久住者是也。
 脉如懸薄卷索者死。脉如轉豆者死。脉如偃刀者死。脉涌涌不去者死。脉忽去忽來暫止復來者死。脉中後者死。脉分絕者死。上下分散也。
 脉有表無裏者死。經名曰結。去即死。去死近也。何謂

結脉在指下。如麻子動搖屬腎名曰結。
 脉五來一止不復增減者死。經名曰代。何謂代脉。五來一止也。脉七來是人一息半時不復增減亦名曰代。正死不疑。
 經曰病或有死。或有不治自愈。或有連年月而不已。其死生存亡可切脉而知之。耶。然其可知也。設病者若閉目不欲見人者。脉當得肝脉弦急而長。反得肺脉浮短而濇者死也。病若開目而渴。心下牢者。脉當得腎實而數。反得沈滑而

脈經 卷五
微者死。病若吐血復斃。衄者。脈當得沈細。而反浮大。牢者死。病若譫言妄語。身當有熱。脈當洪大而反手足四逆。脈反沈細微者死。病若大腹而洩。脈當細微而澀。反得緊大而滑者死。此之謂也。

經言。形脈與病相反者死。奈何。然病若頭痛目痛。脈反短濇者死。
病若腹痛。脈反浮大而長者死。
病若腹滿而喘。脈反滑利而沈者死。

病若四肢厥逆。脈反浮大而短者死。

病若耳聾。脈反浮大而濇者死。千金翼云。脈大者生。沈遲細者難治。

病若目眩。脈反大而緩者死。

左有病而右痛。右有病而左痛。下有病而上痛。上有病而下痛。此為逆。逆者死。不可治。

脈來沈之絕。濡浮之不止。死。

脈來微細而絕者。人病當死。

人病脈不病者生。脈病人不病者死。

人病尸厥呼之不應脈絕者死

脈當大反小者死

肥人脈細小如絲欲絕者死

羸人得躁脈者死

人身澀而脈來往滑者死

人身滑而脈來往澀者死

人身小而脈來往大者死

人身短而脈來往長者死

人身長而脈來往短者死

人身大而脈來往小者死

尺脈不應寸時如馳半日死千金云尺脈上應寸口太遲者半日死

肝脾俱至則穀不化肝多即死

肺肝俱至則癰疽四肢重肺多即死

心肺俱至則痺消渴懈怠心多即死

腎心俱至則難以言九竅不通四肢不舉腎多即死

脾腎俱至則五藏敗壞脾多即死

肝心俱至則熱甚癩瘕汗不出妄見邪

肝腎俱至則疝瘕少腹痛婦人月使不來

肝滿腎滿肺滿皆實則為腫肺之雍喘而兩肢

滿肝雍兩肢滿卧則驚不得小便腎雍脚下至

少腹滿脛有大小髀胫大跛易偏枯癱瘓

心脉滿大癩癩筋攣

肝脉小急癩癩筋攣

肝脉驚暴有所驚駭脉不至若瘖不治自已

腎脉小急肝脉小急心脉小急不鼓皆為瘕

腎脉并沈為石水并浮為風水并虛為死并小弦欲驚

腎脉大急沈肝脉大急沈皆為疝

心脉搏滑急為心疝

肺脉外鼓沈為腸澼久自已

肝脉小緩為腸澼易治

腎脉小搏沈為腸澼下血濕身熱者死心肝澼

亦下血二藏同病者可治其脉小沈澼者為腸

澼其身熱者死熱見七日死

胃脈沈鼓。瀉胃外鼓大。心脈小。腎急背膈偏枯。男子發左。女子發右。不瘡。舌轉可治。三十日起。其順者瘡。三歲起。年不滿二十者。三歲死。

脈至而搏。血衄。身有熱者死。

脈來如懸。鈞浮為熱。

脈至如喘。名曰氣厥。氣厥者。不知與人言。素問申乙

作暴厥

脈至如數。使人暴驚。三四日自已。

脈至浮合。浮合如數。一息十至。十至以上。是為

經氣予不足。微見九十日死。

脈至如火。新然是心精之予奪也。草乾而死。

脈至如散葉。是肝氣予虛也。木葉落而死。木葉落作

棗華

脈至如省客。省客者。脈塞而鼓。是腎氣予不足。

也。懸去棗華而死。

脈至如泥丸。是胃精予不足也。榆莢落而死。素問

莢作葉

脈至如橫格。是膽氣予不足也。禾熟而死。

脈至如弦縷是胞精子不足也病善言下霜而死不言可治

脈至如交漆交漆者左右旁至也微見四十日

死交棘作

脈至如涌泉浮鼓肌中是太陽氣子不足也少

氣味韭英而死

脈至如委土素問作之狀按之不得是肌氣子

不足也五色先見黑白壘一作發死

脈至如懸雍懸雍者浮揣切之亦大是十二俞

之予不足也水凝而死

脈至如偃刀偃刀者浮之小急也按之堅大急

五藏苑熱寒熱獨併於腎也如此其人不得坐

立春而死苑鬱通

脈至如丸滑不直手不直手者按之不可得也

是大腸氣子不足也棗葉生而死

脈至如春者令人善怒不欲坐卧行立常聽是

小腸氣不足也季秋而死

問曰常以春二月中脈一病人其脈反沈師記

言到秋當死其病反愈到七月復病因往脉之
其脉續沈復記言至冬死問曰二月中得沈脉
何以故處之至秋死也師曰二月之時其脉自
當濡弱而茲得沈脉到秋自沈脉見浮即死故
知到秋當死也七月之時脉復得沈何以處之
至冬當死師曰沈脉屬腎真藏脉也非時妄見
經言王相囚死冬脉本王脉不再見故知至冬
當死然後至冬復病正以冬至日死故知為諱
華陀倣此

卷五終

脉經卷之六

肝足厥陰經病證第一 九十七條

肝氣虛則恐實則怒肝氣虛則夢見園苑生草
得其時則夢伏樹下不敢起肝氣盛則夢怒厥
氣客於肝則夢山林樹木
病在肝平旦慧下晡甚夜半靜
病先發於肝者頭目眩脇痛肢滿一日之脾閉
塞不通身痛體重二日之胃而腹脹三日之腎
少腹腰脊痛脛痠十日不已死冬日入夏早食

脉經卷之六

肝脉搏堅而長。色不青。當病墜墜。若搏。因血在
 脇下。令人喘逆。若爽而散。其色澤者。當病溢飲。
 謂溢飲者。渴暴多飲。而溢一作易入肌皮腸胃之
 外也。肝脉沉之而急。浮之亦然。若脇下痛。有氣
 支滿。引少腹而痛。時小便難。苦目眩。頭痛。腰背
 痛。足為逆寒。時癢。女人月信不來。時無時。有得
 之少時。有所墜墜。
 青脉之至也。長而左右彈。診曰有積氣在心下
 支脹。名曰肝痺。得之寒濕。與疝同法。腰痛。足清

頭痛。

肝中風者。頭目暈。兩脇痛。行常偃。令人嗜甘如
 阻婦狀。肝中寒者。其人洗洗惡寒。翕翕發熱。面
 翕然赤。漿漿有汗。胸中煩熱。肝中寒者。其人兩
 臂不舉。舌本又作大燥。善太息。胸中痛。不得轉側。
 時盜汗。欬食已吐其汁。
 肝主胸中喘。怒罵其脉沉。胸中必窒。欲令人推
 按之。有熱鼻窒。
 凡有所墜墜惡血留內。若有所大怒。氣上而不

能下。積於左脇下則傷肝。肝傷者其人脫肉。又
卧口欲得張時時手足青目瞑瞳人痛此為肝
臟所致也。

肝脹者脇下滿而痛引少腹肝水者其人腹大
不能自轉側而脇下腹中痛時時津液微生小
便續通

肺乘肝即為癰腫心乘肝必吐利。

肝著者其病人常欲蹈其胸上先未苦時但欲
飲熱疑有
闕文

肝之積名曰肥氣在左脇下如覆杯有頭足如
龜鱉狀久之不愈發欬逆痰虐連歲月不已以
季夏戊巳日得之何也肺病傳肝肝當傳脾脾
適以季夏壬王王者不受邪肝復欲還肺肺不肯
受因留結為積故知肥氣以季夏得之

肝病其色青手足拘急脇下苦滿或時眩冒其
脉弦長此為可治宜服防風竹瀝湯秦艽散春
當刺大敦夏刺行間冬刺曲臬皆補之季夏刺
太衝秋刺中郄皆瀉之又當灸期門百壯背第

九椎五十壯

肝病者必兩脇下痛引小腹令人善怒虛則目
眈眈無所見耳無所聞善恐如人將捕之氣逆
則頭自痛耳聾不聰頰腫若欲治之當取其經
足厥陰與少陽血者血者謂有血之穴

邪在肝則兩脇中痛寒中惡血在內所善瘕節
時腫取之行間以引脇下補三里以溫胃中取
血脈以散惡血取耳間青脈以去其瘕
足厥陰之脈起於大指聚毛之際上循足趺上

廉去內踝二寸上踝八寸交出太陰之後上膈
內廉循股入陰毛中環陰氣抵小腹俠胃屬肝
絡膽上貫膈布脇肋循喉嚨之後上入頰頰連
目系上出頰與督脈會於巔其支者從目系下
頰裏環唇內其支者復從肝別貫華上注肺中
是動則病腰痛不可以俛仰丈夫癩疝婦人小
腹腫甚則隘乾面塵脫色是主肝所生病者胸
滿嘔逆洞泄孤疝遺溺閉癰盛者則寸口大一
倍於人迎虛者則寸口反小於人迎

足厥陰之別名曰蠡溝去內踝上五寸別走少陽其別者循經上臑結於莖其病氣逆則羸腫卒疝實則挺長熱虛則暴癢取之所別
肝病胸滿脇脹善恚怒呼呼吸身體有熱而復惡寒四肢不舉面目白身體滑其脈當弦長而急今反短濇其色當青而反白者此是金之剋木為大逆十死不治

膽足少陽經病證第二 九四條

膽病者善太息口苦嘔宿汁心澹澹恐如人

捕之嗑中^{介介然}數唾候在足少陽之本末亦見其脈於陷下者灸之其寒熱刺陽陵泉善嘔有苦汁長太息心中澹澹善悲恐如人捕口苦胃氣逆則嘔苦汁故曰嘔膽刺三里以下胃氣逆刺足少陽血絡以閉膽却調其虛實以去其邪也

膽脹者脇下痛脹口苦太息

厥氣客於膽則夢闕訟

足少陽之脈起於目兌眥上抵頭角下耳後循

頸行手少陽之脈前至肩上海交出手少陽之後
 入缺盆其支者從耳後入耳中出走耳前至兌
 皆後其支者別兌皆下大迎合手少陽抵於頤
 云別兌皆上迎下加頰車下頸合缺盆以下胸
 手少陽於臑中貫膈絡肝屬膽循脇裏出氣街達毛際積入
 脾厥中其直者從缺盆下腋循胸中過季脇下
 合髀厭中以下循髀陽出膝外廉下外輔骨之
 前直下抵絕骨之端下出外踝之前循足跟上
 出小指次指之端其支者跟上入大指之間循

大指岐內出其端還貫入爪甲出三毛是動則
 病口苦善太息心脇痛不能反側甚則面微塵
 體無膏澤足外反熱是為陽厥是主骨所生病
 者頭角痛額痛目兌皆痛缺盆中腫痛腋下腫
 痛馬力挾瓿汗出振寒癢胸中脇肋髀膝外至
 肝絕骨外踝前及諸節皆痛小指次指不用盛
 者則人迎大一倍於寸口虛者則人迎反小於
 寸口也

心手少陰經病證第三 九二十條

心氣虛則悲不已。實則笑不休。心氣虛則夢。救
 天陽物得其時。則夢燔灼。心氣盛則夢喜笑。及
 恐畏。厥氣客於心。則夢兵烟火。
 病在心。日中慧。夜半甚。平旦靜。
 病先發於心者。心痛。一日之肺。喘欬。三日之肝。
 脇痛支滿。五日之脾。閉塞不通。身痛體重。三日
 不已。死。冬夜半。夏日中。
 心脉搏堅而長。當病舌卷不能言。其奕而散者。
 當病消渴自己。心脉沉之小而緊。浮之不喘。若

心下聚氣而痛。食不下。喜咽唾。時手足熱。煩滿
 時忘不樂。喜太息。得之憂思。
 赤脉之至也。喘而堅。診曰有積氣在中。時害於
 食。名曰心痺。得之外疾。思慮而心虛。故邪從之。
 心脉急。名曰心疝。小腹當有形。其以心為牡藏
 小腸為之使。故小腹當有形。
 邪突使。覓魄不安者。血氣少也。血氣少者。屬於
 心。心氣虛者。其人即畏。衰。一作合目欲眠。夢遠行。
 而精神離散。覓魄妄行。陰氣衰者。即為癰。陽氣

衰者。卽爲狂。五藏者。魂魄之宅舍。精神之所依託也。魂魄飛揚者。其五藏空虛也。卽邪神居之。神靈所使。鬼而丁之。脉短而微。其藏不足。則魂魄不安。魂屬於肝。魄屬於肺。肺主津液。卽爲涕泣。肺氣衰者。卽爲泣出。肝氣衰者。魂不安。肝主善怒。其聲呼。

心中風者。翁翁發熱。不能起。心中饑而欲食。食則嘔。心中寒者。其人病心。如噉蒜狀。劇者。心痛徹背。背痛徹心。如蟲注。其脉浮者。自吐乃愈。

愁憂思慮。則傷心。心傷則苦驚。善忘。善怒。心傷者。其人勞倦。卽頭面赤而下重。心中痛徹背。自發煩熱。當臍跳。手其脉弦。此爲心藏傷所致也。心脹者。煩心短氣。卧不安。心水者。其人身體重。而少氣。不得卧。煩而躁。其陰大腫。腎乘心必癢。

真心痛。手足清至節。心痛甚。且發夕死。夕發旦死。

心腹痛。懊懣發作。腫聚往來上下行。痛有休作。

心腹中熱苦渴涎出是虵咬也以手聚而堅持之毋令得移以大針刺之久持之蟲不動乃出對腸中有蟲虵咬皆不可取以小針

心之積名曰伏梁起於臍上上至心大如臂久之不愈病煩心心痛以秋庚辛日得之何也腎病傳心心當傳肺肺適以秋壬壬者不受邪心復欲還腎腎不肯受因留結為積故知伏梁以秋得之

心病其色赤心痛短氣手掌煩熱或啼笑罵詈

悲思愁慮面赤身熱其脉實大而數此為可治春當刺中衝夏刺勞宮季夏刺太陵皆補之秋刺間使冬刺曲澤皆瀉之此是手厥陰心包絡經又當灸巨闕五十壯背第五椎百壯

心病者胸內痛脇支滿兩脇下痛膺背肩中間痛兩臂內痛虛則胸腹大脇下與腰背相引而痛取其經手少陰太陽舌下血者其變病刺郄中血者

邪在心則病心痛善悲時眩仆視有餘不足而

調之

黃帝曰。手少陰之脉獨無腧。何也。岐伯曰。少陰者。心脉也。心者五臟六腑之大主也。心爲帝王精神之所舍。其藏堅固。邪不能容。容之則傷。心傷則神去。神去則身死矣。故諸邪在於心者。皆心之包絡。包絡也者。心主之脉也。故少陰無腧焉。少陰無腧。心不病乎。對曰。其外經。腑病藏不病。故獨取其經於掌後。兌骨之端也。

膻其支者。循胸出脇。下腋三寸。上抵腋下。循膈內行。太陰少陰之間。入肘中。下臂行兩筋之間。入掌中。循中指。出其端。其支者。別掌中循小指次指出其端。是動則病。手心熱。肘臂痠急。腋腫甚。則胸脇支滿。心中澹澹大動。面赤目黃。善笑不休。是主脉所生病者。煩心心痛。掌中熱盛者。則寸口大一倍於人迎。虛則寸口反小於人迎也。

手心主之别名曰內關。去腕二寸。出於兩筋間。

循經以上繫於心包絡。心系氣實則心痛。虛則為煩心。取之兩筋間。

心病煩悶少氣大熱熱上盪心嘔吐欬逆狂語。汗出如珠身體厥冷其脈當浮今反沉濡而反其色當赤而反黑者。此是水之剋火為大逆十死不治。

小腸手太陽經病證第四 九五條

小腸病者小腹痛腰脊控睪而痛時窘乏復耳前熱若寒甚獨肩上熱及手小指次指之間熱

若脈陷者此其候也。

小腹控睪引腰脊上衝心邪在小腸者連睪系屬於春貫肝肺絡。心系氣盛則厥逆上衝腸胃動肝肺散於盲結於厭一作齊故取之盲源以散之。刺大陰以與之取厥陰以下之取巨虛下廉以去之按其所過之經以調之。

小腸有寒其人下重便膿血有熱必痔。小腸有宿食常暮發熱明日復止。小腸脹者小腹臃脹引腹而痛。

厥氣客於腸則夢聚邑街衢。

手太陽之脉起之於小指之端循手外側上腕出踝中直上循臂骨下廉出肘內側兩骨之間上循臑外後廉出肩解繞肩甲交肩上入缺盆向腋絡心循咽下膈抵胃屬小腸其支者從缺盆循頸上頰至目兌背却入耳中其支者別頰上頰抵鼻至目內眥斜絡於顴是動則病嗑痛頰腫不可以顧肩似拔臑似折是主液所生病者耳聾目黃頰頰腫頸肩腫肘臂外後廉痛成

者則人迎大再倍於寸口虛者則人迎反小於寸口也。

脾足太陰經病證第五 九二十四條

脾氣虛則四肢不用五藏不安實則腹脹溼洩不利脾氣虛則夢飲食不足得其時則夢築垣蓋屋脾氣盛則夢樂體重手足不舉厥氣客於脾則夢丘陵大澤壞屋風雨病在脾日眈慧平日甚日中持下晡靜病先發於脾閉塞不通身痛體重一日之胃而

腹脹。二日之腎。小腹腰脊痛。脛痠。二日之膀胱。背脂筋痛。小便閉。十日不已。死。冬人定。夏晏食。脾脉搏堅而長。其色黃。當病少氣。其莢而散。色不澤者。當病足。筋腫若水狀。脾脉沉之而濡。浮之而虛。若腹脹煩滿。胃中有熱。不嗜食。食而不化。大便難。四肢苦痺。時不仁。得之房內。月使不來。來而頻併。黃脉之至也。大而虛。有積氣在腹中。有厥氣。名曰厥疝。女子同法。得之疾使內。四肢汗出。當風。

寸口脉弦而滑。弦則為痛。滑則為實。痛即為急。實即為踊。痛踊相搏。即胸脇搶急。跌陽脉浮而澀。浮即胃氣微。澀即脾氣衰。微衰相搏。即呼吸不得。此為脾家失度。寸口脉雙緊。即為入。其氣不出。無表有裏。心下痞堅。跌陽脉微而澀。微即無胃氣。澀即傷脾寒。在於膈。而反下。寒寒積不消。胃微脾傷。穀氣不行。食已自噫。寒在胸膈。上虛下實。穀氣不通。為秘塞之病。

寸口脉緩而遲緩則爲陽其氣長遲則爲陰榮氣促榮衛俱和剛柔相得三焦相承其氣必強跌陽脉滑而緊滑即胃氣實緊即脾氣傷得食而不消者此脾不治也能食而腹不滿此爲胃氣有餘腹滿而不能食心下如飢此爲胃氣不行心氣虛也得食而滿者此爲脾家不治脾中風者翕翕發熱形如醉人腹中煩重皮肉^三羸羸而短氣也凡有所擊仆若醉飽入房汗出當風則傷脾脾

傷則中氣陰陽離別陽不從陰故以三分候死生

脾氣弱病利下白腸垢大便堅不能更衣汗出不止名曰脾氣弱或五液注下青黃赤白黑病人鼻不平者胃病也微赤者病發癰微黑者有熱青者有寒白者不治唇黑者胃先病微燥而渴者可治不渴者不可治臍反出者此爲脾先落^{一云}先終^{一云}脾脹者善噦四肢急體重不能衣脾木者其人

腹大四肢若重津液不生但苦少氣小便難
跌陽脉浮而澀浮則胃氣強澀則小便數浮澀
相搏大便則堅其脾為約脾約者其人大便堅
小便利而反不渴

凡人病脉已解而反暮微煩者人見病者差安
而強與穀脾胃氣尚弱不能消穀故令微煩損
穀則愈

脾之疾名曰痞氣在胃管覆大如盤久之
久不愈病四肢不收黃痺食飲不為肌膚以冬

王癸日得之何也肝病傳脾脾當得腎腎適以
冬王王者不受邪脾復欲還肝肝不肯受因留
結為積故知痞氣以及得之

脾病其色黃飲食不消腹苦脹滿體重節痛大
便不利其脉微緩而長此為可治宜服平胃丸
瀉脾丸茱萸丸附子湯春當刺隱白冬刺陰陵
泉皆瀉之夏刺大都季夏刺公孫秋刺商丘皆
補之又當灸章門五十壯背第十一椎百壯
脾病者必身重苦飢足痿不收

素問作善飢行肉痿足不收

善瘦脚下痛虛則腹脹腸鳴澹泄食不化取其
經足太陰陽明少陰血者

邪在脾肌肉痛陽氣不足陰氣有餘則寒中腸
鳴腹痛陰陽俱有餘若俱不足則有寒有熱皆
調其三里

足太陰之脈起於大指之端循指內側白肉際
過核骨後上內踝前廉上膈內循胛骨後交出
厥陰之前上循膝股內前廉入腹屬脾絡胃上
膈俠咽連舌本散舌下其支者復從胃別上膈

汪心中是動則病舌本強食則嘔一作胃管痛

腹脹善噫得酸與熱則快然而食身體皆重是

主脾所生病者舌本痛體不能動搖食不下煩

心心中急痛寒瘧澹瘕泄水閉黃疸好臥不能

食肉唇青強立股膝肉痛厥足大指不用盛者

則寸口大三倍於人迎虛者則寸口反小於人

迎也

足太陰之別名曰公孫夫本節後一寸別走陽
明其別者入絡腸胃厥氣上逆則霍亂實則腹

中切痛虛則鼓脹取之所別

脾病其色黃體清失溲直視唇反張爪甲青飲食吐逆體重節痛四肢不舉其脉當浮大而緩今反弦細其色當黃今反青此是木之剋土為大逆十死不治

胃足陽明經病證第六 九十一條

胃病者腹脹胃管當心而痛上支兩脇膈咽不通飲食不下取三里飲食不下膈塞不通邪在胃管在上腕則抑而

刺之在下腕則散而去之

胃脉搏堅而長其色赤當病折髀其栗而散者當病食薄髀痛胃中有癰食冷物者痛不能食食熱則能食胃脹者腹滿胃管痛鼻聞焦臭妨於食大便難

診得胃脉病形何如曰胃實則脹虛則洩

病先發於胃脹滿五日之腎小腹腰脊痛脛痠三日之膀胱背脇筋痛小便閉五日上之脾閉塞不通身痛體重上之心六日不已死冬夜半

後夏日暎

六日一作三日

脈浮而芤浮則為陽芤則為陰浮芤相搏胃氣生熱其陽則絕

跌陽脈浮者胃氣虛也跌陽脈浮大者此胃家微虛煩圓必日再行芤而有胃氣者脈浮之大而更微按之芤故知芤而有胃氣也跌陽脈數者胃中有熱即消穀引食跌陽脈濇者胃中有寒水穀不化跌陽脈浮遲者故久病跌陽脈虛則遺溺實則失氣

動作頭痛重熱氣朝者屬胃

厥氣客於胃則夢飲食

跌陽脈麤麤而浮者其病難治

足陽明之脈起於鼻交頰中旁約太陽之脈下循鼻外入上齒中還出俠口環唇下交承漿却循頤後下廉出大迎循頰車上耳前過客主人循髮際至額顱其支者從大迎前下入迎循喉嚨入缺盆下膈屬胃絡脾其直者從缺盆下乳內廉下俠臍入氣街中其支者起胃下口循腹

裏下至氣街中而合以下髀關抵伏菟下入膝
臑中下循臑外廉下足跗入中指內間其支者
下膝三寸而別以下入中指外間其支者別跗
上入大指間出其端是動則病痿痺然振寒善
伸數欠顏黑病至則惡人與火聞木音則惕然
而驚心動欲獨閉戶牖而處甚則欲上高而歌
棄衣而走黃響腹脹是為髀一作厥是主血一作
胃所生病者狂癰一作瘰癧一作瘰癧一作瘰癧
緊頸腫喉痺太腹水腫膝臑痛循膺乳街股伏

菟髀外廉足跗上皆痛中指不用氣盛則身以
前皆熱其有餘於胃則消穀善飢溺色黃氣不
足則身以前皆寒慄胃中寒則脹滿盛者則人
迎大三倍於寸口虛者則人迎反小於寸口也
肺手太陰經病證第七 九十八條
肺氣虛則鼻息利少氣實則喘喝胸懣仰息肺
氣虛則夢見白物見人斬血藉藉得其時則夢
見兵戰肺氣盛則夢恐懼哭泣厥氣客于肺則
飛揚見金鐵之器奇物

病在肺下。肺慧。日中甚。夜半靜。

病先發於肺。喘咳。三日之肝。脇痛支滿。十日之

脾。閉塞不通。身痛體重。五日之胃。腹脹。十日不

已。死。冬。日入。夏。日出。

肺脈搏堅而長。當病吐血。其濡而散者。當病漏

汗。一作灌。至今不復散發。六字疑衍。肺脈沉之而數。浮

之而喘。疑作濡。苦洗洗寒熱。腹滿。腸中熱。肺以小腸為肺

小便赤。肩背痛。從腰已上汗出。得之。房內汗出

當風。

白脈之至也。喘。疑作濡。而浮大。上虛下實。驚有積

氣在胸中。喘而虛。名曰肺痺。寒熱得之。因醉而

使內也。

肺中風者。口燥而喘。身運而重。胃而腫脹。肺中

寒者。其人吐濁涕。

形寒。飲冷則傷肺。以其兩寒相感。中外皆傷。故

氣逆而上行。肺傷者。其人勞倦則欬。唾血。其脈

細緊浮數。皆吐血。此為操擾。嗔怒得之。肺傷氣

擁所致。

肺脹者。虛而滿喘。欬逆倚息。自如脫狀。其脈浮。肺水者。其人身體重而小便難。時時大便鴨溇。肝乘肺必作虛。

脈奕而弱。弱反在關。奕反在顛。浮反在上。弱反在下。浮則為陽。弱則血不足。必弱為虛。浮弱自別。浮則自出。弱則為入。浮則為出。不入此為有表。無裏弱。則為入。不出此為無表。有裏。陽出極汗。齊腰而還。此為無表。有裏。故名曰厥陽。在當汗出不汗出。

跌陽脈浮緩。少陽微緊。微為血虛。緊為微寒。此為鼠乳。其病屬肺。

肺之積名曰息賁。在右脇下。覆大如杯。久之不愈。病洒洒寒熱。氣逆喘欬。發肺癰。以春甲乙日得之。何也。心病傳肺。肺當傳肝。肝適以春。王王者不受邪。肺復欲還心。心不肯受。因留結為積。故知息賁以春得之。

肺病其色白。身體但寒無熱。時時欬。其脈微遲。為可治。宜服五味子大補肺湯。瀉肺散。春當刺。

少商夏刺魚際皆瀉之季夏刺太淵秋刺經渠
冬刺尺澤皆補之又當灸臑中百壯背第三椎
二十五壯

肺病者必喘欬逆氣肩息背痛汗出尻陰股膝
寧髀膕胫足皆痛虛則少氣不能報息耳聾啞
乾取其經手太陰足太陽之外厥陰內少陰血
者

邪在肺則皮膚痛發寒熱上氣氣喘汗出欬動
肩背取之膺中外輪背第三椎之傍以手疾按
之快然乃刺之取之缺盆中以越之

手太陰之脈起於中膻下絡大腸還循胃口上
膈屬肺從肺系橫出肘中後循背內上骨下廉
入寸口上魚循魚際出大指之端其支者從腕
後直出次指內廉出其端是動則病肺脹滿膨脹
而喘欬缺盆中痛甚則交兩手而督是為臂厥
是三肺所生病者欬上氣喘渴煩心胸滿膈臂
內前廉痛掌中熱氣盛有餘則肩背痛風汗出
小便數而欠氣虛則肩背痛寒少氣不足以息

溺色變卒遺失無度盛者則寸口大三倍於人迎虛者則寸口反小於人迎也

手太陰之別名曰列缺起於腋下腕上一云分間別

走陽明其別者並太陰之經直入掌中散入於

魚際其實則手少掌起虛則欠欬小便遺數取

之去腕一寸半

肺病身當有熱欬嗽短氣唾出膿血其脈當短

澀今反浮大其色當白而反赤者此是火之剋

釜為大逆十死不治

大腸手陽明經病證第八 凡四條

大腸病者腸中切痛而鳴濯濯冬日重感于寒

則泄當臍而痛不能久立與胃同候取巨虛上

廉腸中雷鳴氣上衝胸喘不能久立邪在大腸

刺盲之原巨虛上廉三里

大腸有寒驚漉有熱便腸垢大腸有宿食寒慄

發熱有時如瘧狀大腸脹者腸鳴而痛寒則泄

食不化厥氣客於大腸則夢田野

脹四日不已死冬早食夏晏晡

腎脉搏堅而長其色黃而赤當病折腰其奕而散者當病少血腎脉沉之大而堅浮之大而緊苦手足骨腫厥而陰不興腰脊痛小腹腫心下有水氣時脹閉時泄得之浴水中身未乾而合房內及勞倦發之

黑脉之至也上堅而大有積氣在小腹與陰名曰腎痺得之沐浴清水而母凡有所用力舉重若入房過度汗出如浴水則

傷腎

腎脹者腹滿引背中央然解痛腎水者其人腹大臍腫腰重痛不得溺陰下濕如牛鼻頭汗其足逆寒大便反堅

腎著之為病從腰以下冷腰重如帶五千錢腎著之病其人身體重腰中冷如水狀一作如水狀反不渴小便自利食飲如故是其證也病屬下焦從身勞汗出衣裏冷濕故久久得

乏

腎之積名曰奔豚。發於小腹。上至心下。如豚奔走之狀。上下無時。久之不愈。病喘逆骨疼。少氣。以夏丙丁日得之。何也。脾病傳腎。腎當傳心。心適以夏王。王者不受邪。腎復欲還脾。脾不肯受。因留結為積。故知奔豚當夏得之。

水流夜疾。何以故。師曰。土休。故流疾。而有聲。人亦應之。人夜臥。則脾不動。搖脈為之。數疾也。

腎病其色黑。其氣虛弱。呼吸少氣。兩耳苦聾。腰痛。時時失精。飲食減少。膝以下清。其脈沉滑。而

遲。此為可治。宜服內補散。建中湯。腎氣丸。地黃煎。春當刺湧泉。秋刺伏留。冬刺陰谷。皆補之。夏刺然谷。季夏刺太谿。皆瀉之。又當灸京門五十壯。背第十四椎百壯。

腎病者。必腹大。脛腫痛。喘欬。身重。寢汗出。憎風。虛即胸中痛。大腹小腹痛。青厥。意不樂。取其經足。少陰太陽血者。

邪在腎。則骨痛陰痺。陰痺者。按之而不得。腹脹腰痛。大便難。肩背頸項強痛。時眩。取之湧泉。崑

崙視有血者盡取之。

足少陰之脉起於小指之下斜起足心出然骨之下循内踝之後別入跟中以上膻内出膈中内廉上股内後廉貫脊屬腎絡膀胱其直者從腎上貫肝膈入肺中循喉嚨俠舌本其支者從肺出絡心注胸中是動則病飢而不欲食面黑如炭色一作地色欬唾則有血喉鳴而喘坐而欲起目眈眈無所見心懸若飢狀氣不足則善恐心惕惕若人將捕之是為腎厥一作痿是主腎所生

病者口熱舌乾咽腫上氣嗑乾及痛煩心心痛黃疸腸澼脊股内後廉痛痿厥嗜卧足下熱而痛炙則強食而生害一作肉緩帶被髮大杖重履而步盛者則寸口大再倍於人迎虛者則寸口反小於人迎也

足少陰之别名曰大鍾當踝後繞跟別走太陽其別者並經上走於心包下貫腰脊其病氣逆則煩悶實則閉癢虛則腰痛取之所別腎病手足逆冷面赤目黃小便不禁骨節煩疼

小腹結痛。氣衝於心。其脉當沉細而滑。今反浮大。其色當黑而反黃。此是土之剋水。為大逆。十死不治。

膀胱足太陽經病證第十

九五條

膀胱病者。小腹偏腫而痛。以手按之。則欲小便而不得。肩上熱。若脉陷足小指外側及脛踝後皆熱。若脉陷者。取委中。膀胱脹者。小腹滿而氣癢。病先發於膀胱者。背筋痛。小便閉。五日之腎。

小腹腰脊痛。脛痠。一日之小腸脹。一日之脾閉塞不通。身痛體重。二日不巳。死。冬鷄鳴。夏下哺。

一云日夕

厥氣客於膀胱。則夢遊行。

足太陽之脉起於目內眦。上額交巔上。其支者從巔至耳上角。其直者從巔入絡腦。還出別下頰。循肩膊內。俠脊。低腰中。入循膂。絡腎。屬膀胱。其支者從腰中。下會於後陰。下貫臀。入膕中。其支者從膕內。左右別下貫。脾一作過。髀樞。循髀外。

後廉下合臆中。以下貫膈內。出外踝之後。循京骨。至小指外側。是動則病。衝頭痛。目似脫。項似拔。脊痛。腰似折。髀不可以曲。臆如結。膈如裂。是為踝厥。是主筋所生病者。痔瘡。狂癲疾。頭腦頂痛。目黃。淚出。眦衄。項背腰尻。臆膈脚皆痛。小指不用。盛者則人迎大。再倍於寸口。虛者則人迎反小於寸口也。

三臆手少陽經病證第十一 凡四條

三臆病者。腹脹氣滿。小腹尤堅。不得小便。窘急。

溢則為水。留則為脹。候在足太陽之外。大絡在太陽少陽之間。亦見於脈。取委陽。少腹病腫。不得小便。取脈與厥陰小絡結之血者。腫上及胃管。取三里。

三臆脹者。氣滿於皮膚。殼殼然而堅。不疼。

熱在上臆。因欬為肺痿。熱在中臆。因腹堅。熱在下臆。因溺血。

手少陽之脈。起於小指次指之端。上出兩指之間。循手表腕。出臂外兩骨之間。上貫肘。循臆外。

上肩而交出足少陽之後入缺盆交膻中散絡
 心包下膈徧屬三焦其支者從膻中上出缺盆
 上項俠耳後直上出耳上角以屈下額一作至
 顛其支者從耳後入耳中出走耳前過客主人
 前交頰至目兌眦是動則病耳聾焯焯啞啞
 腫喉痺是主氣所生病者汗出目兌眦痛頰腫
 耳後肩臑肘臂外皆痛小指次指不用盛者則
 人迎大一倍於寸口虛者則人迎反小於寸口
 也

